

et il modo de pagarli conserverà questi loci, et supplica se li mandi danari da pagar le gente, et per tuor qualche una de le compagnie che sono con li francesi, che li capitanei serano nostri subditi, et li fanti de Romagna et toscani, aziò in ogni caso possi far il debito suo con honor de la Signoria nostra, et perchè l'Areon vien de qui, come per lettere intercepte da li nostri stratioti se vede, li qual la bravano molto, et manda le ditte lettere.

Lettera del ditto, di 15 ditto.

Come havia operato con il signor Renzo di haver 4 compagnie de fanti molto prontamente; non però mostra che lui me le dia, per molti respeti. Et partito domino Virzilio da mi heri sera a hore due di note ritornò de qui el signor Otavio Ursino cum ditto domino Virzilio con lettere credential del prefato signor Renzo, el qual domino Virzilio me ha dito de più che esso signor Renzo, per la servitù porta a la Signoria nostra et per amor mio, che habbia a disponer de gente et de ogni altra cosa che 'l mi possa servir, è per farlo molto volentieri. Li ho mandato a dir che oltre le compagnie che io voglio che habia li corsi da 600 in 700, per mandarli in Lombardia, et dimane andarò fin a Barleta per questi corsi. Hozì è stato qui da me el capitano Bastardo, qual ha grandissima parte in Calavria et ha bona compagnia de calavresi; l'ho *etiam* aponato a venir a servir la Signoria nostra, et cussi li intertegno acciò non vadino con inimici; sichè li inimici restati in questo Regno non è da temer, *imo* li infesteremo, non venendo altre forze. Però volendo li corsi et il capitano Bastardo, bisogna se li mandi danari in bona summa e per pagar le gente, et non li mandando vede tutto in confusion et in manifesto pericolo de perder questi loci; et è restati in questo Regno a queste frontiere da 5000 fanti fra hispani et italiani. Il signor Renzo per domino Virzilio me ha mandato a dir esser contento restituirmi le artellarie che hano recuperato de le galie che si rompeteno a Bestize et darne quelle munition de polvere et ballote che 'l si atrova in Barletta. *Etiam* li ho destramente dimandato li danari li ho 17* prestati a Monopoli per suvenir quelle sue gente; mi ha risposto non haver danari, et che l'ha una quantità de sali di quali me ne darà una bona quantità per tal conto, et che li mandi a levar. Mi forzarò de trovar navilii per levar ditti sali. *Etiam* mi ha fatto intender non ha uno scudo per andar in Franza et lo voi servir de qualche ducato; me

forzerò de compiacerlo in quello potrò, vedendo la grandissima affetion che l'ha in far servizio a la Signoria nostra.

Lista de li signori et gentiilhomeni foraussili 18 del regno.

El principe de Melphe,
 El principe de Stigliano,
 El duca de Ariano,
 El marchese de Monte Sarchio,
 Lo conte de Bòcino,
 Lo conte de Castro,
 Lo conte de Capazzio,
 Lo conte de Monte de Risi,
 Lo signor Cesaro de Lamagna fratello del principe de Stigliano,
 Lo signor Cesare de Sanseverino,
 Lo barone de Tsippaluni,
 Lo signor Prospero de la Mara,
 Lo signor Tiberio Minutolo,
 Lo signor Annibale de Loria,
 Missier Carlo Feran,
 Domino Colla Gaitano,
 Lo barone de Favole con quatro fratelli,
 Missier Giacomo de Azeli,
 Missier Francesco Carazziolo,
 Missier Johan Agnese.

Di Bergamo, di sier Zuan Antonio da chà 19^o Taiapiera vicepodestà et proveditor, di..... septembrio 1529, manda questa lettera.

Magnifico provedador.

Aviso la magnificentia vostra come in questi giorni passati el signor Filippo, el qual si è signor di Costanza, et lui si andete con lo imperador quando che lui andete in Spagna, et mai non n'è venuto, *solum* adesso, et lo imperador si l'ha fato capitano zeneral de questo nostro exercito, et tutti li signori todeschi se l'ha acetato per esser de la patria. Aviso la magnificentia vostra come lui si ha fato la rasigna de questo campo: le fantarie son 9000 et li cavalli son 2000, et di questi 2000 son andati 600 con li ambadori. Aviso la magnificentia vostra, come l'è zonto in el nostro campo el vescovo di Trento et quel de Lubiana, che l'imperador si li manda dal re Ferandino per imbasadori. Li detti vescovi dise che l'imperador se dia andar a Bolo-

(1) La carta 18^a è bianca.